

描写除夕的古诗

1.
欢多情未及，赏至莫停杯。酒中喜桃子，粽里觅杨梅。帘开风入帐，烛尽炭成灰。勿疑鬓钗重，为待晓光催。——徐君倩《共内人夜坐守岁》
2.
共庆新年笑语哗，红岩士女赠梅花；举杯互敬屠苏酒，散席分尝胜利茶。只有精忠能报国，更无乐土可为家；陪都歌舞迎佳节，遥视延安景物华。——董必武《元旦口占用柳亚子怀人韵》
3.
北风吹雪四更初，嘉瑞天教及岁除。半盏屠苏犹未举，灯前小草写桃符。——陆游《除夜雪》
4.
乾坤空落落，岁月去堂堂。末路惊风雨，穷边饱雪霜。命随年欲尽，身与世俱忘。无复屠苏梦，挑灯夜未央。——文天祥《除夜》
- 5.乡心新岁切，天畔独潸然。——刘长卿《新年作》
6.
太极光阴不计年，圣贤千古此周旋。九夷自陋吾何与，长在回瓢点瑟边。——魏了翁《次韵虞退夫除夕七绝句》
7.
竹爆惊春，竞喧填、夜起千门箫鼓。流苏帐暖，翠鼎缓腾香雾。停杯未举。奈刚要、送年新句。应自有、歌字清圆，未夸上林莺语。从他岁穷日暮。纵闲愁、怎减刘郎风度。屠苏办了，迤迤柳欺梅妒。宫壶未晓，早骄马、绣车盈路。还又把、月夜花朝，自今细数。——杨缵《一枝春》

· 除夕》

8.
故节当歌守，新年把烛迎。冬氛恋虬箭，春色候鸡鸣。兴尽闻壶覆，宵阑见斗横。还将万亿寿，更谒九重城。——审言《除夜有怀》
9.
欢多情未及，赏至莫停杯。酒中喜桃子，粽里觅杨梅。帘开风入帐，烛尽炭成灰，勿疑鬓钗重，为待晓光催。——徐君倩《共内人夜坐守岁》
10.
萧疏白发不盈颠，守岁围炉竟废眠。剪烛催干消夜酒，倾囊分遍买春钱。听烧爆竹童心在，看换桃符老兴偏。鼓角梅花添一部，五更欢笑拜新年。——孔尚任《甲午元旦》
- 11.半盏屠苏犹未举，灯前小草写桃符。——陆游《除夜雪》
12.
忆昔岁除夜，见君花烛前。今宵祝文上，重叠叙新年。闲处低声哭，空堂背月眠。伤心小儿女，撩乱火堆边。——元稹《除夜》
13.
四指回杓犹障塞，颠毛如许怯簪冠。惊心岁月愁仍在，回首风尘梦已阑。百战劳销千口集，万金散尽几人欢。燕然北望空弹剑，马革寻常片石难。——戚继光《辛未除夕》
14.
五十明朝是，兹宵不得眠。杯盘分节序，火炬照村田。春色来何处，梅花在目前。自然添白发，岂为惜流年。——止庵法师《除夕》
15.
守岁全家夜不眠，杯盘狼藉向灯前。相看更觉光阴速，笑语逡巡即隔年。——陆游《除夜》

16.

爆竹声中岁又除。顿回和气满寰区。春见解绿江南树，不与人间染白须。残蜡烛，旧桃符。宁辞末后饮屠苏。归欤幸有园林胜，次第花开可自娱。——赵师侠《鹧鸪天·丁巳除夕》

17.

今夕为何夕，他乡说故乡。看人儿女大，为客岁年长。戎马无休歇，关山正渺茫。一杯椒叶酒，未敌泪千行。——袁凯《客中除夕》

18.

一年滴尽莲花漏。碧井酴酥沈冻酒。——毛滂《玉楼春·己卯岁元日》

19.莺啼燕语报新年，马邑龙堆路几千。——皇甫冉《春思》

20.

云海泛瓯闽，风潮泊岛滨。何知岁除夜，得见故乡亲。余是乘槎客，君为失路人。平生复能几，一别十馀春。——孟浩然《除夜乐城逢张少府》

21.

故岁今宵尽，新年明日来。悉心随斗柄，东北望春回。——张说《钦州守岁》

22.

消息东郊木帝回，宫中行乐有新梅。沉香甲煎为庭燎，玉液琼苏作寿杯。遥望露盘疑是月，远闻鼙鼓欲惊雷。昭阳第一倾城客，不踏金莲不肯来。——李商隐《隋宫守岁》

23.北风吹雪四更初，嘉瑞天教及岁除。——陆游《除夜雪》

24.

济川无楫拟何为，三杰还从汉祖推。心学庭槐空发火，鬓同门柳即垂丝。中兴未遇先怀策，除夜相催也课诗。江上年年接君子，一杯春酒一枰棋。——徐夔《温陵残腊书怀寄崔尚书》

25.

乡心新岁切，天畔独潸然。老至居人下，春归在客先。岭猿同旦暮，江柳共风烟。已似长沙傅，从今又几年。——刘长卿《新年作》

26.

断送古今惟岁月，昏昏腊酒又迎年。谁知羲仲寅宾日，已是共工缺陷天。——谭嗣同《除夕感怀》

27.

守岁尊无酒，思乡泪满巾。始知为客苦，不及在家贫。畏老偏惊节，防愁预恶春。故园今夜里，应念未归人。——白居易《客中守岁在柳家庄》

28.

旅馆谁相问？寒灯独可亲。一年将尽夜，万里未归人。寥落悲前事，支离笑此身。愁颜与衰鬓，明日又逢春。——戴叔伦《除夜宿石头驿》

29.

一腊天频雪，千山梅未花。终年不为客，除夕恰辞家。雨又垂垂落，风仍故故斜。难开愁里眼，只益鬓边华。——杨万里《除夕宿临战平》

30.

畴昔通家好，相知无间然。续明催画烛，守岁接长筵。旧曲梅花唱，新正柏酒传。客行随处乐，不见度年年。——孟浩然《岁除夜会乐城张少府宅》

31.

岁暮纷多思，天涯渺未归。老添新甲子，病减旧容辉。乡国仍留念，功名已息机。明朝四十九，应转悟前非。——白居易《除夜》

32. 宫阙星河抵拂树，殿廷灯烛上薰天。——杜审言《守岁侍宴应制》

33.

弥年不得意，新岁又如何？念昔同游者，而今有几多？以闲为自在，将

寿补蹉跎。春色无情故，幽居亦见过。——刘禹锡《岁夜咏怀》

本文链接：<https://duanjuziku.com/duanjuzi/zr5ia6fd65.html>